

第二九冊目次

合部金光明經八卷(二)	隋寶貴合入	一
佉真陀羅所問寶如來三昧經三卷	後漢支婁迦識譯	三六
大樹緊那羅王所問經四卷	姚秦鳩摩羅什譯	八三
佛昇忉利天爲母說法經三卷	西晉竺法護譯	一三五
道神足無極變化經四卷	西晉安法欽譯	一六四
佛說寶雨經十卷	唐達摩流支等譯	二〇二
寶雲經七卷	梁曼陀羅仙共僧伽婆羅譯	三一
阿惟越致遮經四卷	西晉竺法護譯	三八九
不退轉法輪經四卷	失譯	四四七
廣博嚴淨不退轉法輪經四卷	劉宋智嚴共寶雲譯	五〇七
入定不定印經一卷	唐義淨譯	五七三
不必定入定入印經一卷	元魏瞿曇般若流支譯	五八六
等集衆德三昧經三卷	西晉竺法護譯	六〇二
集一切福德三昧經三卷	姚秦鳩摩羅什譯	六四一

合部金光明經卷第六

化

隋大興善寺沙門 寶貴合入

銀主陀羅尼品第十一

爾時世尊告命者奢利弗言奢利弗此諸菩薩熏修諸法所謂諸菩薩母菩薩皆行菩薩攝受有法本名不染著陀羅尼如是語已命者奢利弗白佛言世尊言陀羅尼陀羅尼者此何句義為陀羅尼非陀羅尼世尊為方處非方處如是語已佛告命者奢利弗言甚善甚善奢利弗如汝發行大乘信解大乘增力大乘如汝所說其陀羅尼非方處非不方處非法非不法非過去非未來非現在非事物非不事物非緣非不緣非行非不行無有法生亦無有滅但為利益菩薩故如是說是陀羅尼所作道合力住所謂佛諸功德佛戒佛學佛密意佛出生所謂法本名不染著陀羅尼如是語已命者奢利弗白佛言世尊願為演說修伽多願為演說此陀羅尼法本菩薩

於中住已當成不退轉於阿耨多羅三藐三菩提當成正願不依正法自性辯才當得希有自安住道所謂得陀羅尼故如是語已佛告命者奢利弗言甚善甚善奢利弗如是如是奢利弗得陀羅尼菩薩應言如佛奢利弗得陀羅尼菩薩若有供養尊重承事供給者當如供養於佛奢利弗若當有聞此陀羅尼若持若信解彼等還應如是供養不離菩提心如佛無異奢利弗此是陀羅尼
哆囉訖一那陀羅尼二鬱多羅尼三鉢羅帝駛疑去聲多四修那摩五修鉢羅帝沙吒六鼻闍夜婆羅七薩帝耶鉢羅帝闍若八修阿盧訶九闍那摩帝十鬱多波駄泥十一阿婆那摩泥十二阿鼻師駄泥十三阿鼻婢耶訶囉十四首婆婆帝十五修泥尸利多十六婆睺窮婆十七阿鼻婆陀十八娑婆訶
奢利弗此是陀羅尼句名不染著正住正受作已若菩薩持者彼若一劫若百劫若千劫

若百千劫不捨諸願彼身當能降伏刀杖毒藥惡獸皆能降伏何以故奢利弗此不染著陀羅尼過去諸佛母未來諸佛母現在諸佛母所謂法本名不染著陀羅尼奢利弗若有十阿僧祇三千大千世界七寶滿中作已施與諸佛世尊及以上勝衣服飲食當持供養彼等諸佛阿僧祇劫若於此不染著陀羅尼法本當持一句此生福德過多於彼何以故奢利弗此不染著陀羅尼法本是諸佛母故金光明經大辯天品第十二

爾時大辯天神白佛言世尊是說法者我當益其樂說辯力令其說法莊嚴次第善得大智若是經中有失文字句義違錯我能令是說法比丘次第還得能與惣持令不忘失若有衆生於百千佛所種諸善根是說法者爲是等故於閻浮提廣說流布是妙經典令不斷絕復令無量無邊衆生得聞是經當令是等悉得猛利不可思議大智慧聚不可稱量

福德之報善解無量種種方便善能辯暢一切諸論善知世間種種伎術能出生死得不退轉必定疾得阿耨多羅三藐三菩提

我今復欲說其呪藥洗浴法若有比丘受持此經復有衆生深樂聽聞是經典者爲是人等能除一切惡星災恠除其疫氣疾病生死

之苦惡口闍諍縣官口舌夜卧惡夢惡神障

難厭盡呪咀一切惡障悉得除滅是諸衆生

若有聽受是經法者應當誦持此呪呪藥作湯洗浴其身是故我說呪藥之法取好菖蒲

雄黃茂荷香尸利沙合荳蔻合香奢彌合草藿

香蒿高草沉香桂皮丁香風香白膠香安息

香阿蘿娑煎香零陵香艾納香栴檀香石雄

黃青木香鬱金香附子芥子縮師蜜鬱金根

那羅陀草龍華如是等藥各等分採之用鬼

星日和合擣之擣訖以此呪呪之一百八遍

而說呪曰

唵唎吽蘇呬羯利呬迦摩唵寫闍怒迦囉

池呵怒迦囉池 因陀羅闍離 奢迦提離
波奢提離阿跋唎 迦斯該那 拘都俱 迦
毗羅迦毗羅末垓尸羅末垓 珊題頭摩跋
垓 尸梨尸梨薩帝耶薩室帝 娑婆訶
以牛糞塗地縱廣七肘以爲道場以華散著
道場中遍覆其地懸繒幡蓋用金椀銀椀盛
石蜜漿蒲桃漿蜜漿乳汁置於道場外四角
頭各置一人身帶牟鉚手持戎仗隱身而立復
湏四童女子各著淨衣奉持華瓶亦於道場
四角而立燒膠香供養不得斷絕復作五色
神幡四角安寶幢五種音聲伎樂以新淨器
盛其香湯置道場中於先結界然後洗浴說
此結界呪曰
唎經吽 遏邏羈 那耶咻 醯梨尸 梨
介介梨 娑婆訶
以呪呪水二十一遍散著四方復說呪湯呪
身呪先呪身一百八遍復呪湯一百八遍以
此湯洗浴其身

唎經吽 娑伽遲 毗伽遲 毗伽茶跋帝
娑婆訶
誦呪洗浴訖行者爲其是人發弘誓願願四
方神星覆護身命常令休吉無諸障難惡星
災恠悉無所畏四大安吉無諸疾患一切怖
畏悉得除愈復說呪身呪願呪
娑迦毗娑迦 娑婆訶 娑伽遲 毗伽遲
娑婆訶娑伽羅 三浮唎耶 娑婆訶 軋
陀摩陀那耶娑婆訶 尸羅捷吽耶娑婆訶
阿波羅耆唎毗梨吽耶娑婆訶 醯摩婆三
浮唎耶 娑婆訶 阿尸彌邏薄迦唎邏耶
娑婆訶 南無娑伽婆帝跋藍摩祢那摩娑
羅薩毘帝 摩訶提鞞四填妬蔓唎羅般陀
擔婆羅熊摩阿奴蔓若都 娑婆訶
於是大辯天神白佛言世尊若有比丘比丘
尼優婆塞優婆夷受持讀誦書寫流通如法
行者若城邑聚落曠野露地塔寺僧房俗人
住處我爲是諸人等將諸眷屬作天伎樂來

詣道場除一切病一切惡星災恠除其一切
疫病生死之苦除一切惡口闢諍縣官口舌
除一切夜卧惡夢除一切惡神障難除一切
厭蠱呪除一切惡障若有比丘比丘尼優
婆塞優婆夷受持讀誦此經速度煩惱入阿
毗跋致地向阿耨多羅三藐三菩提以此功

德速成阿耨多羅三藐三菩提

爾時世尊讚大辯天神言善哉善哉大辯天
神能為一切眾生思惟善事能令一切眾生
施其無畏為諸眾生說此呪藥功能利益一
切眾生於是大辯天神禮佛三拜還復故坐
爾時婆羅門憍陳如以呪力故當請大辯天神

亦當恭敬大辯天神一切世間名悉遍到
恒在山中天龍鬼神一切悉敬常披草衣
一脚而立一切諸天悉來到彼欲請天神
願施一切眾生智慧言語辯了能以善言
哆囉吽 茂梨毗梨 阿婆耆 阿婆闍
跋帝興渠梨 彌渠梨 賓伽羅跋帝 鶩

渠灑末利脂蘇摩帝 題奢摩帝 阿祇利
摩祇利多羅遮跋帝 脂脂利尸利彌利
摩脂利波羅移祇 盧迦折師帝 盧迦施
離師帝盧迦畢利易昧陀跋羅帝 毗摩目
企首脂遮利阿波羅帝呵帝呵波羅帝河多
浮地 南牟指南牟脂 摩呵題脾波羅帝
伽利迄那摩摩娑迦濫摩摩浮地阿波羅帝
呵多婆娑妬 奢薩多羅 奢盧羈單多
羅卑吒迦迦毗耶地踈多囉吽摩呵波羅婆
毗醯利彌利 醯利彌利 毗遮羅妬摩摩
浮地伊梵那摩寫婆伽婆帝 毗耶題婆羅
娑跋帝 迦羅遲只由離 醯利彌利醯利
彌利 阿婆呵羊彌摩呵題毗佛陀薩知那
達摩薩知那僧伽薩知那因陀羅薩知那
婆婁那薩知那移盧只薩知耶 婆題那知
爽薩知那 薩知耶婆支祇那阿婆呵 羊
彌摩呵題毗哆囉吽 醯利彌利 醯利醯
利毗遮邏都孛題摩摩南無婆伽婆帝 摩

呵題 毗婆邏婆波帝 昧瑱妬曼羅多波
陀 娑婆訶

爾時憍陳如婆羅門以偈讚大辯天神

一切諸鬼神 今當至心聽 我今欲讚歎

大聖辯天神 一切諸女中 辯天最爲尊

諸天修羅等 軋闍及夜叉 世間諸聖中

一切最爲尊 種種諸功德 以用莊嚴身

眼如優波羅 智慧功德相 譬如七寶珠

世間甚難見 我今欲讚嘆 甚深最勝語

決定施與一切衆 最勝最高無過者

相好端嚴潤衆生 形貌清淨如蓮華

眼目脩揚勝一切 身體端正視無厭

種種莊嚴諸相好 光明清淨如月光

智慧悉能遍一切 強記不忘能摠持

乘師子上現人形 體有八臂莊嚴身

衆生見者如滿月 語言辯了聲微妙

智慧甚深難思議 以此智慧恒圓滿

能施衆生一切願 於一切衆最爲尊

帝釋修羅諸天等

一切大衆恒讚嘆

供養清淨愍重心

於怖畏處恒防護

清淨誦此七言偈

須者給與無所乏

軋闍婆等及夜叉

我某甲等當恭敬

以此願故皆吉祥

若復有人於晨朝

我今是人悉滿願

說是偈已今一切衆悉發阿耨多羅三藐三

菩提心

金光明經功德天品第十三

爾時功德天白佛言世尊是說法者我當隨

其所須之物衣服飲食卧具醫藥及餘資產

供給是人無所乏少令心安住晝夜歡樂正

念思惟是經章句分別深義若有衆生於百

千佛所種諸善根是說法者爲是等故於閻

浮提廣宣流布是妙經典今不斷絕是諸衆

生聽是經已於未來世無量百千那由他劫

常在天上人中受樂值遇諸佛速成阿耨多

羅三藐三菩提三惡道苦悉畢無餘世尊我

已於過去寶華功德海琉璃金山照闍如來
應供正遍知闍行足善逝世間解無上士調
御丈夫天人師佛世尊所種諸善根是故我
今隨所念方隨所視方隨所至方今無量百
千衆生受諸快樂若衣服飲食資生之具金
銀七寶真珠琉璃珊瑚虎珀璧玉珂貝悉無
所乏若有人能稱金光明微妙經典爲我供
養諸佛世尊三稱我名燒香供養供養佛已
別以華香種種美味供施於我灑散諸方當
知是人即能集聚資財寶物以是因緣增長
地味地神諸天悉得歡喜所種穀米芽莖枝
葉果實滋茂樹神歡喜出生無量種種諸物
我時慈念諸衆生故多與資生所須之物世
尊於此北方毗沙門王有城名曰阿尼曼陀
其城有園名德華光於是園中有最勝園名
曰金幢七寶極妙此即是我常止任處若有
欲得財寶增長是人當於自所任處當淨掃
灑洗浴其身著鮮白衣妙香塗身爲我至心

三稱彼佛寶華琉璃世尊名号禮拜供養燒
香散華亦當三稱金光明經至誠發願別以
香華種種美味供施於我散灑諸方爾時當
說如是章句

婆梨富樓那遮利 三曼陀達舍尼 摩訶
毗呵羅伽帝 三曼陀毗那伽帝 摩訶伽

梨波帝 波娑彌 薩婆哆三曼陀 修鉢

梨富餘 阿夜那達摩帝 摩訶毗跋畢帝

摩訶彌勒跋僧祇帝 醯帝徒三博祇憐帝

三曼陀阿毗 阿菟婆羅尼

此下呪八行新繼出還是功德天說與
舊呪不同不知何者是故並寫出之

南無一切三世佛 南無一切諸菩薩

南無彌勒菩薩等 我今當欲說神呪

多哩吽 波梨富樓那遮利 三曼陀達舍

尼 摩訶毗呵羅伽帝 三曼陀毗陀那伽

帝 摩訶迦葉梨耶波利波羅波祇薩婆利

陀三曼多修鉢利帝富餘那阿夜那達摩多

摩訶俱畢帝 摩訶彌勒帝盧跋僧祇帝帝

瞋帝徒 僧祇晞 帝三曼陀遏咤何兜波

羅尼 莎波呵

是灌頂章句畢定吉祥真實不虛等行衆生及中善根應當受持讀誦通利十七日夜受持八戒朝暮淨心香華供養十方諸佛常爲己身及諸衆生迴向具足阿耨多羅三藐三

菩提作是誓願令我所求皆得吉祥自於所居房舍屋宅淨潔掃除若自住處若阿蘭若處以香泥塗地燒微妙香敷淨好座以種種華香布散其地以待於我我於爾時如一念頃入其室宅即坐其座從此日夜令此居家若利邑若僧坊若露處無所乏少若錢若金

銀若珍寶若牛羊若穀米一切所須即得具足悉受快樂若能以己所作善根最勝之分迴與我者我當終身不遠其人於所住處至心護念隨其所求令得成就應當至心禮如是等諸佛世尊其名曰寶勝如來無垢熾寶光明王相如來金炎光明如來金百光明照藏

如來金山寶蓋如來金華炎光相如來大炬如來寶相如來亦應敬禮信相菩薩金光明菩薩金藏菩薩常悲菩薩法上菩薩亦應禮敬東方阿閼如來南無寶相如來西方無量壽佛北方微妙聲佛

金光明經堅牢地神品第十四

爾時地神堅牢白佛言世尊是金光明經若現在世若未來世在在處處若城邑聚落若山澤空處若王宮宅世尊隨是經典所流布處是地分中敷師子座令說法者坐其座上廣演宣說是妙經典我當在中常作宿衛隱蔽其身於法座下頂戴其足我聞法已得服甘露無上法味增益氣力而此大地深十六萬八千由旬從金剛際至海地上悉得衆味增長具足豐壤肥濃過於今日以是之故閻浮提內藥草樹木根莖枝葉華果滋茂美色香味皆悉具足衆生食已增長壽命色力辯安六情諸根具足通利威德顏貌端嚴殊持

成就如是種種等已所作事業多得成辦有大勢力精勤勇猛是故世尊閻浮提內安隱豐樂人民熾盛一切衆生多受快樂應心適意隨其所樂是諸衆生得是威德大勢力已能供養是金光明經及恭敬供養受持經者四部之衆我於爾時當往其所爲諸衆生受快樂故請說法者廣今宣布如是妙典何以故世尊是金光明若廣說時我及眷屬所得功德倍過於常增長身力心進勇銳世尊我服甘露無上味已閻浮提地縱廣七千由旬豐壤倍常世尊如此大地衆生所依悉能增長一切所須之物增長一切所須物已今諸衆生隨意所用受於快樂種種飲食衣服卧具宮殿屋宅樹木林苑河池泉井如是等物因依於地悉皆具足是故世尊是諸衆生爲知我恩應作是念我當畢定聽受是經供養恭敬尊重讚歎作是念已即從住處若城邑聚落舍宅空地往法會所聽受是經既聽受

已還其所止各應相慶作如是言我等今者聞此甚深無上妙法已爲攝取不可思議功德之聚值遇無量無邊諸佛三惡道報已得解脫於未來世常生天上人中受樂是諸衆生各於住處若爲他人演說是經若說一喻一品一緣若復稱歎一佛一菩薩一四句偈乃至一句及稱是經首題名字世尊隨是衆生所住之處其地具足豐壤肥濃過於餘地凡是因地所生之物悉得增長滋茂廣大令諸衆生受於快樂多饒財寶好行惠施心常堅固深信三寶爾時佛告地神堅牢若有衆生乃至聞是金光明經一句之義人中命終隨意往生三十三天地神若有衆生爲欲供養是經典故莊嚴屋宅乃至張懸一幅一蓋或以一衣欲界六天已有自然七寶宮殿是人命終即往生彼地神於諸七寶宮殿之中各各自然有七天女共相娛樂日夜常受不可思議微妙快

樂爾時地神白佛言世尊以是因緣說法比丘坐法座時我常晝夜衛護不離隱蔽其形往法座下頂戴其足世尊若有衆生於百千佛所種諸善根是說法者爲是等故於閻浮提廣宣流布是妙經典令不斷絕是諸衆生聽是經已未來之世無量百千那由他劫於天上人中常受快樂值遇諸佛疾成阿耨多羅三藐三菩提三惡道皆悉斷無餘

金光明經散脂鬼神品第十五

爾時散脂鬼神大將軍及二十八部諸鬼神等即從坐起偏袒右肩右膝著地白佛言世尊是金光明微妙經典若現在世及未來世在在處處若城邑聚落若山澤空處若王宮宅隨是經典所流布處我當與此二十八部天神鬼神等往至彼所隱蔽其形隨逐擁護是說法者消滅諸惡令得安隱及聽法衆若男若女童男童女於是經中乃至得聞一如來名一菩薩名及此經典首題名字受持讀誦

我當隨侍宿衛擁護悉滅其惡今得安隱及國邑城郭若王宮殿舍宅空處皆亦如是世尊何因緣故我名散脂鬼神大將唯然世尊自當證知世尊我知一切法一切緣法了一切法知法分齊如法安住一切法如性於一切法含受一切法世尊我現見不可思議智光不可思議智炬不可思議智行不可思議智聚不可思議智境世尊我於諸法正解正觀得正分別正解於緣正能覺了世尊以是故名散脂大將世尊我散脂大將今說法者莊嚴言辭辯不斷絕衆味精氣從毛孔入充益身力心進勇銳成就不可思議智慧入正憶念如是等事悉令具足心無疲厭身受諸樂心得歡喜以是之故能爲衆生廣說是經若諸衆生於百千佛所種諸善根說法之人爲是衆生閻浮提內廣宣流布是妙經典令不斷絕無量衆生聞是經已當得不可思議智聚攝取不可思議功德之聚於未來世無

量百千劫人天之中常受使樂於未來世值
遇諸佛疾得證成阿耨多羅三藐三菩提一
切眾苦三惡趣分永滅無餘南無寶華功德
海瑠璃金山光照如來應正遍知南無無量
百千億那由他莊嚴其身釋迦如來應正遍
知熾然如是微妙法炬南無第一威德成就
眾事大功德天南無不可思量智慧功德成
就大辯天

金光明經正論品第十六

爾時佛告地神堅牢過去有王名力尊相其
王有子名曰信相不久當受灌頂之位統領
國土爾時父王告其太子信相世有正論善
治國土我於管時曾為太子不久亦當紹父
王位爾時父王持是正論亦為我說我以是
論於二萬歲善治國土未曾一念以非法行
於自眷屬情無愛著何等名為治世正論
地神爾時力尊相王為信相太子說是偈言
我今當說諸王正論為利眾生斷諸疑惑

一切人王諸天天王應當歡喜合掌諦聽
諸王和合集金剛山護世四鎮起問梵王
大師梵尊天中自在能除疑惑當為我斷
云何是人得名為天云何人王復名天子
生在人中處王宮殿正法治世而名為天
護世四王問是事已時梵尊師即說偈言
汝今雖以此義問我我要當為一切眾生
敷揚宣說第一勝論因集業故生於人中
王領國土故稱人王處在胎中諸天守護
或先守護然後入胎雖在人中生為人王
以天護故復稱天子三十三名以已德
分與是人故稱天子神力所加故得自在
遠離惡法遮令不起安住善法修令增廣
能令眾生多生天上半名人王亦名執樂
羅剎魁膾能遮諸惡亦名父母教誨修善
示現果報諸天所護善惡諸業現在未來
現受果報諸天所護若有惡事縱而不問
不治其罪不以正教捨遠善法增長惡聚

故使國中多諸奸闇三十天各生瞋恨由其國王縱惡不治壞國正法奸詐熾盛他方怨敵競來侵掠自家所有錢財珍寶諸惡盜賊共相劫奪如法治世不行是事若行是者其國殄滅譬如狂象躡蓮華池暴風率起屢降惡雨惡星數出日月無光

五穀果實咸不滋茂由王捨政使國飢饉天於宮殿悉懷愁惱由王暴虐不修善事是時天王各相謂言是王行惡與惡爲伴以造惡故速得天瞋以天瞋故不久國敗非法兵仗奸詐鬪訟疾疫惡病集其國土諸天即便捨離是王令其國敗生大愁惱

兄弟姊妹眷屬妻子孤迸流離身亦滅亡流星數墮二日並現他方惡賊侵掠其土人民飢饉多諸疾疫所重大臣捨離薨亡象馬車乘一念喪滅諸家財產國土所有互相劫奪刀兵而死五星諸宿違失常度諸惡疾疫流遍其國諸受寵祿所任大臣

及諸群僚專行非法如是行惡偏受恩遇修善法者日日衰滅於行惡者而生恭敬見修善者心不顧錄故使世間三異並起星宿失度降暴風雨破壞甘露無上正法衆生等類及以地肥恭敬弊惡毀諸善人故天降雹饑饉疫死穀米果實滋味衰減

多病衆生充滿其國甘美盛果日日損減苦澁惡味隨時增長本所遊戲可愛之處悉皆枯悴無可樂者衆生所食精妙上味漸漸損減食無肌膚顏貌醜陋氣力衰微凡所食噉不知厭足力精勇猛悉滅無有懶惰懈怠充滿其國多有疾苦逼切其身

惡星變動羅刹亂行若有人王行於非法增長惡伴損人天道於三有中多受苦惱起如是等無量惡事皆由人王愛著眷屬縱之造惡捨而不治若爲諸天所護生者如是人王終不爲是有行善者得生天中行不善者墮在三塗三十天皆生焦熱

悻反下必薨亡上兄僚反下郎苦認非澀枯

化七

隋大興善寺沙門 寶貴合入

善集品第十七

於是如來復爲地神說往昔因緣而作偈言
我昔曾爲轉輪聖王捨四大地及以大海
又於是時以四天下滿中珍寶奉上諸佛

磧砂大藏經

合部金光明經

卐

第二九册

寶實比丘作如是言面如滿月威德照然
唯願為我敷演宣暢是金光明諸經之王
時寶實尊即受王請許為宣說是金光明
三千大千世界諸天知當說法悉生歡喜
於淨微妙鮮潔之處種種珍寶廁填其地
上妙香水持用灑之散諸好華遍滿其處

王於是時自敷法座懸繒幡蓋寶飾校珞
種種微妙殊特末香悉以奉散大法高座
一切諸天龍及鬼神摩睺羅伽緊那羅等
即雨天上曼陀羅華遍散法座滿其處所
不可思議百千萬億那由他等無量諸天
一時俱來集說法所是時寶實尋從窟出
諸天即時以娑羅華供養奉散寶實比丘
是時寶實淨洗身體著淨妙衣至法座所
合掌敬禮是法高座一切天王及諸天人
雨曼陀羅大曼陀華摩訶曼殊眾寶妙華
無量百千種種伎樂於虛空中不鼓自鳴
寶實比丘能說法者尋上高座結加趺坐

即念十方不可思議無量千億諸佛世尊
於諸眾生興大悲心及善集王所得王領
盡一日月所照之處時說法者即尋為王
敷暢宣說是妙經典

是時大王為聞法故於比丘前合掌而立
聞於正法讚言善哉其心悲悼涕淚交流

尋復踊悅心意嬉怡為欲供養此經典故
爾時即捉如意珠王為諸眾生發大誓願
願於今日此閻浮提悉雨無量種種珍異
瓔珞七寶及妙瓔珞以是因緣悉令無量
一切眾皆受快樂即於爾時尋雨七寶
及諸寶飾天冠耳璫種種瓔珞甘饌寶座
悉皆充滿遍四天下時善集王即持如是
滿四天下無量七寶於寶勝佛遺法之中
以用布施供養三寶爾時為王說法比丘
於今現在阿閼佛是時善集王聽受法者
今則我身釋迦文是我於爾時捨此大地
滿四天下珍寶布施得聞如是金光明經

聞是經已一稱善哉以此善根業因緣故
身得金色百福莊嚴常為無量百千萬億
衆生等類之所樂見既得見已無有厭足
過去九十九億千劫常得作於轉輪聖王
亦於無量百千劫中常得王領諸小國王
不可思議劫中常作釋提桓因及淨梵王
復得值遇十力世尊其數無量不可稱計
所得功德無量無邊皆由聞經及稱善哉
如我所願成就菩提正法之身我今已得
金光明經鬼神品第十八

佛告功德天若有善男子善女人欲以不可
思議妙供養具供養過去未來現在諸佛世
尊及欲得知三世諸佛甚深行處是人應當
畢定至心隨有是經流布之處若城邑村落
舍宅空處正念不亂至心聽是微妙經典爾
時世尊欲重宣此義而說偈言
若欲供養一切諸佛欲知三世諸佛行處
應當往彼城邑聚落有是經處至心聽受

是妙經典不可思議功德大海無量無邊
能令一切衆生解脫度無量苦諸有大海
是經甚深初中後善不可得說譬喻為比
假使恒河大地微塵大海諸水一切諸山
如是等物不得為喻若入是經即入法性
如深法性安住其中即於是典金光明中
而得見我釋迦牟尼不可思議阿僧祇劫
生天人中常受快樂以能信解聽是經故
如是無量不可思議功德福聚悉已得之
隨所至處若百由旬滿中盛火應從中過
若至聚落阿蘭若處到法會所至心聽受
聽是經故惡夢蠱道五星諸宿變異災禍
一切惡事消滅無餘於說法處蓮華座上
說是經典書寫讀誦是說法者若下法座
爾時大衆猶見座處故有說者或佛世尊
或見佛像菩薩色像普賢菩薩文殊師利
彌勒大士及諸形色見如是等種種事已
尋復滅盡如前無異成就如是諸功德已

而為諸佛之所讚歎威德相貌無量無邊
 有大名稱能却怨家他方賊盜能令退散
 勇捍多力能破強敵惡夢惱心無量惡業
 如是惡事皆悉寂滅若入軍陣常能勝他
 名聞流布遍閭浮提亦能摧伏一切怨敵
 遠離諸惡修集諸善入陣得勝心常歡喜
 大梵天王三十三天護世四王金剛密迹
 鬼神諸王散脂大將禪那英鬼及緊那羅
 阿耨達龍婆竭羅王阿脩羅王迦樓羅王
 大辯天神及大功德如是上首諸天神等
 常當供養是聽法者生不思議法塔之想
 衆生見者恭敬歡喜者天王等亦各思惟
 而相謂言令是衆生無量威德皆悉成就
 若能來至是法會所如是之人成上善根
 若有聽是甚深經典故嚴出往法會之處
 心生不可思議正信供養恭敬無上法塔
 如是大悲利益衆生即是無量深法寶器
 能入甚深無上法性由以淨心聽是經典

如是之人悉以供養過去無量百千諸佛
 以是善根無量因緣應當聽受是金光明
 如是衆生常為無量諸天神王之所愛護
 大辯功德護世四王無量鬼神及諸力士
 晝夜精勤擁護四方釋提桓因及日月天
 閻摩羅王風水諸神違馱天神及毗紐天
 大辯天神及自在天火神等神大力勇猛
 常護世間晝夜不離大力鬼神那羅延等
 摩醯首羅二十八部諸鬼神等散脂為首
 百千鬼神神足大力擁護是等今不怖畏
 金剛密迹大鬼神王及其眷屬五百徒黨
 一切皆是太菩薩等亦悉擁護聽是法者
 摩尼拔陀大鬼神王富那拔陀及金毗羅
 阿羅婆帝賓頭盧伽黃頭大神一一諸神
 各有五百眷屬鬼神亦常擁護聽是經者
 質多斯那阿脩羅王及軋闍婆那羅羅闍
 祁那沙婆摩尼乾陀及尼乾陀主雨大神
 大飲食神摩呵伽吒金色髮神半祁鬼神